



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 395. Usque Ad Annum 428

Fleury, Claude

August. Vind. [u.a.], 1759

VD18 90117794

§. 42. S. Chrysostomi Prefectio.

[urn:nbn:de:hbz:466:1-66042](#)

Sæculum V.
A. C. 404.

§. XLII.

S. Chrysostomi Profectio.

Sanctus Chrysostomus Niceæ erat, dum que mandata exspectat, ut ad locum Exilii sui deferretur, Conversioni Gentilium Phœniciae operam dabat. Nice invenit Monachum inclusum, cui persuasit, ut ad piissimum opus labore conferret; hunc misit ad Constantium Presbyterum, qui in illa Regione Infidelium conversioni invigilabat, & ad quem abiens Epistolam dedit. Hortatur, ne in istis Rei Ecclesiasticæ articulis animum despondeat, Ecclesiarum Phœniciae, Arabiæ, & Orientis maximam ram gerat, & sibi quam sæpissime libbat. Excitat etiam, ut & aliorum animos accendat, & junctis viribus Ecclesiæ malis præsertim in Asia forte pectus opponant.

*ibid. & ep.
29. Arabio.*

*ep. ad Cir.
143. al. 125.*

*Zosim. lib. 5.
Marcell. chr.*

Primo visum fuerat, S. Chrysostomum Sebasteum Armeniæ mittere, sed tandem mandatum accepit, ut migraret Cucusam, modicum ejusdem Provinciae oppidum, Ciliciæ conterminum, numquam tutum ab incursibus Isaurorum, qui inaccessa montis Tauri juga tenentes, sæpe descendebant, oppidanorum agros devastaturi, nam paucitatis suæ consciï munitas urbes aggredi non audiebant; at plures erant, quam ut facili ne-

gotio

gotio ab agrestibus repelli possent. S. Jo- Sæculum V.
 annes Chrysostomus Nicea discessit quar- A. C. 404.
 ta Mensis *Panemus*, seu Julii, anno 404. *ep. 145. ep.*
A militibus Prætorianis deducebatur, qui- 120. al. 115.
bus Centurio, nomine Theodorus, im- ad Theoph.
perabat. Hi milites humanissime Epis- ep. 7. 8. ad
copum habebant, & obsequia domestica Olymp.

Cappadociam, & Ciliciam ingressus in *ep. 143. al.*
 vicinia montis Tauri Monachos, & Vir- *125. ad Cyri.*
 gines turmatim confluentes, & gemen-
 tes, habuit obvios. Dicebant: *Ut po-*
tius sol splendidos radios condidisset, quam
os Joannis conticescere cogeretur.

S. Joannes utcunque valebat, dum
 profectionem suscepit; at in via febris
 eum corripuit, nec ideo minus diu no-
 ñtuque iter facere cogebatur. Molestus
 erat calor, somnus aberat, omnibus ad
 refocillationem necessariis carebat, &
 futura metuebat. Tandem viribus om-
 nibus exhaustus Cæsaream in Cappado-
 cia pervenit, ubi aliquantulum respira-
 re licuit. Saltem potum aquæ puræ in
 illa Civitate invenit, sapidum panem, to-
 lerabile balneum, &, facta sibi licentia,
 aliquamdiu in lecto vires refecit. Hæc *ep. 114. al.*
 narrat in Epistola ad Theodoram, & con- *120.*
 queritur, quod tot amici, quos habebat
 magnæ Auctoritatis, sibi obtainere non

X 3 possent,

Sæculum V. possent, quod perditissimis denegari non
A. C. 404. soleret, ut in locum exilii minus homi-
 dum transferantur.

§. XLIII.

*S. Chrysostomus Cœsareæ male
 habetur.*

Modicam quietem, qua S. Joannes Cœsareæ fruebatur, brevi Episcopi Pharetriæ nequitia turbavit. Is venientia
Ep. 13. ad
Olymp. *S. Episcopo obvios miserat, qui suo nomine salutem ferrent, indicarent ipsius desiderium Collegam amplectendi, & omnia charitatis officia promitterent.*

S. Chrysostomus, non ignarus, Pharetrium suæ condemnationi per litteras subscriptissime, nulla ab eo sperabat obliquia; id tamen coram iis, quos ille misserat, dissimulavit. Cœsaream pervenit tertiana vehementissime æstuans, & longæ viæ malis fractus. Statim misit quod Medicos advocarent, venerunt illi, & simul cum iis omnes Clerici, populus, Monachi, Moniales; omnes Episcopo servire, & auxilium ægro asserre ambiebant. Omnibus carus, quotidie a viris illius Civitatis spectatissimus, a Magistris, a Sophistis invisebatur. Pharetrium invidia ussit, solus hospitem coram non salutavit, sed exspectabat ejus abiitum, qui sentiens vim morbi remississe, iter Cucusam perficere cogitabat.

Interim